

ЎЗБЕКИСТОН РЕСПУБЛИКАСИ ДАВЛАТ СОЛИҚ ҚЎМИТАСИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ БОЖХОНА
ҚЎМИТАСИНИНГ
ҚАРОРИ

281 «Қишлоқ қурилиш инвест» ихтисослаштирилган инжиниринг компанияси ва «Қишлоқ қурилиш инвест» инжиниринг компанияси билан тузилган шартномалар бўйича фойдаланишга тайёр ҳолда топшириш шартлари билан якка тартибда уй-жой қуриш доирасида улар томонидан амалга ошириладиган ишлар ҳажмлари бўйича пудрат ташкилотлари томонидан имтиёزلарни қўллаш тартиби тўғрисидаги низомни тасдиқлаш ҳақида

*Ўзбекистон Республикаси Адлия вазирлиги томонидан 2010 йил
16 августда рўйхатдан ўтказилди, рўйхат рақами 2133*

(2010 йил 26 августдан кучга киради)

Ўзбекистон Республикаси «Давлат солиқ хизмати тўғрисида»ги Қонунининг 7-моддаси (Ўзбекистон Республикаси Олий Мажлисининг Ахборотномаси, 1997 й., 9-сон, 232-модда), Ўзбекистон Республикаси «Давлат божхона хизмати тўғрисида»ги Қонунининг 6 ва 7-моддаларига (Ўзбекистон Рес-

публикаси Олий Мажлиснинг Ахборотномаси, 1997 й., 9-сон, 230-модда), Ўзбекистон Республикаси Президентининг 2009 йил 3 августдаги ПҚ-1167-сон «Қишлоқ жойларида уй-жой қурилиши кўламини кенгайтиришга оид қўшимча чора-тадбирлар тўғрисида»ги қарорига (Ўзбекистон Республикаси қонун ҳужжатлари тўплами, 2009 й., 32-33-сон, 358-модда) ва Ўзбекистон Республикаси Президентининг 2009 йил 29 январдаги ПҚ-1051-сон «Уй-жой фондини фойдаланишга тайёр ҳолда топшириш шартларида реконструкция қилиш ва таъмирлаш бўйича пудрат ишларини кенгайтиришни рағбатлантиришга доир қўшимча чора-тадбирлар тўғрисида»ги қарорига (Ўзбекистон Республикаси қонун ҳужжатлари тўплами, 2009 й., 5-сон, 38-модда) мувофиқ Ўзбекистон Республикаси Давлат солиқ қўмитаси, Молия вазирлиги ва Давлат божхона қўмитаси қарор қиладилар:

1. «Қишлоқ қурилиш инвест» ихтисослаштирилган инжиниринг компанияси ва «Қишлоқ қурилиш инвест» инжиниринг компанияси билан тузилган шартномалар бўйича фойдаланишга тайёр ҳолда топшириш шартлари билан яқка тартибда уй-жой қуриш доирасида улар томонидан амалга ошириладиган ишлар ҳажмлари бўйича пудрат ташкилотлари томонидан имтиёزلарни қўллаш тартиби тўғрисидаги низом иловага мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Давлат солиқ
қўмитаси раиси**

Б. ПАРПИЕВ

Тошкент ш.,
2010 йил 20 июль,
2010-28-сон

Молия вазири

Р. АЗИМОВ

Тошкент ш.,
2010 йил 20 июль,
54-сон

**Давлат божхона
қўмита раиси**

С. НОСИРОВ

Тошкент ш.,
2010 йил 20 июль,
01-02/8-13-сон

Ўзбекистон Республикаси
Давлат солиқ қўмитаси, Молия вазирлиги
ва Давлат божхона қўмитасининг
2010 йил 20 июлдаги 2010-28, 54,
01-02/8-13-сон қарорига
ИЛОВА

**«Қишлоқ қурилиш инвест» ихтисослаштирилган инжиниринг
компанияси ва «Қишлоқ қурилиш инвест» инжиниринг
компанияси билан тузилган шартномалар бўйича фойдаланишга
тайёр ҳолда топшириш шартлари билан якка тартибда уй-жой
қуриш доирасида улар томонидан амалга ошириладиган
ишлар ҳажмлари бўйича пудрат ташкилотлари томонидан
имтиёزلарни қўллаш тартиби тўғрисида
НИЗОМ**

Мазкур Низом Ўзбекистон Республикаси Президентининг 2009 йил 3 августдаги ПҚ–1167-сон «Қишлоқ жойларда уй-жой қурилиши кўламини кенгайтиришга оид қўшимча чора-тадбирлар тўғрисида»ги қарорига (Ўзбекистон Республикаси қонун ҳужжатлари тўплами, 2009 йил, 32-33-сон, 358-модда) ва Ўзбекистон Республикаси Президентининг 2009 йил 29 январдаги ПҚ–1051-сон «Уй-жой фондини фойдаланишга тайёр ҳолда топшириш шартларида реконструкция қилиш ва таъмирлаш бўйича пудрат ишларини кенгайтиришни рағбарлантиришга доир қўшимча чора-тадбирлар тўғрисида»ги қарорига (Ўзбекистон Республикаси қонун ҳужжатлари тўплами, 2009 йил, 5-сон, 38-модда) мувофиқ «Қишлоқ қурилиш инвест» ихтисослаштирилган инжиниринг компанияси ва «Қишлоқ қурилиш инвест» инжиниринг компанияси билан тузилган шартномалар бўйича фойдаланишга тайёр ҳолда топшириш шартлари билан якка тартибда уй-жой қуриш доирасида улар томонидан амалга ошириладиган ишлар ҳажмлари бўйича пудрат ташкилотлари томонидан имтиёزلарни қўллаш тартибини белгилайди.

**I. «Қишлоқ қурилиш инвест» ихтисослаштирилган
инжиниринг компанияси томонидан имтиёزلарни
қўллаш тартиби**

1. Ўзбекистон Республикаси Президентининг 2009 йил 3 августдаги ПҚ–1167-сон «Қишлоқ жойларда уй-жой қурилиши кўламини кенгайтиришга оид қўшимча чора-тадбирлар тўғрисида»ги қарорига мувофиқ «Қишлоқ қурилиш инвест» ихтисослаштирилган инжиниринг компанияси 2014 йилнинг 1 январигача барча турдаги солиқлардан ҳамда Республика йўл жамғармаси ва бюджетдан ташқари Мактаб жамғармасига мажбурий ажратмаларни тўлашдан озод қилинади.

2. Юридик шахсларга солиқлар, божхона ва мажбурий тўловларни бюджетга тўлаш бўйича берилган имтиёزلарни расмийлаштириш ва бухгалтер-

лик ҳисобида акс эттириш тартиби тўғрисидаги низомга (рўйхат рақами 1463, 2005 йил 2 апрель) (Ўзбекистон Республикаси қонун ҳужжатлари тўплами, 2005 й., 14-сон, 105-модда) мувофиқ бўшаётган маблағларни мақсадли ишлатиш назарда тутилмаган солиқлар ва божхона имтиёзлари берилганда бюджетга тўланадиган солиқлар, божхона ва мажбурий тўловлар ҳисоблаб чиқарилмайди ва маҳсулотлар (товарлар, ишлар, хизматлар) ҳамда бошқа мол-мулкнинг сотиш (харид) қийматига киритилмайди.

Бўшаётган маблағларни мақсадли ишлатишни назарда тутмайдиган солиқлар ва божхона имтиёзларини бухгалтерия ҳисобида акс эттириш тартиби юқорида қайд қилинган Низом билан тартибга солинади.

II. «Қишлоқ қурилиш инвест» инжиниринг компанияси билан тузилган шартномалар бўйича фойдаланишга тайёр ҳолда топшириш шартлари асосида якка тартибда уй-жой қуриш доирасида амалга ошириладиган ишлар ҳажмлари бўйича пудрат ташкилотлари томонидан имтиёзларни қўллаш тартиби

3. Ўзбекистон Республикаси Президентининг 2009 йил 29 январдаги ПҚ-1051-сон «Уй-жой фондини фойдаланишга тайёр ҳолда топшириш шартларида реконструкция қилиш ва таъмирлаш бўйича пудрат ишларини кенгайтиришни рағбатлантиришга доир қўшимча чора-тадбирлар тўғрисида»ги қарорига (Ўзбекистон Республикаси қонун ҳужжатлари тўплами, 2009 йил., 5-сон, 38-модда) асосан «Қишлоқ қурилиш инвест» инжиниринг компанияси билан тузилган шартномалар бўйича фойдаланишга тайёр ҳолда топшириш шартлари асосида якка тартибда уй-жой қуриш доирасида амалга ошириладиган ишлар ҳажмлари бўйича пудрат ташкилотлари 2014 йил 1 январгача:

солиқларнинг барча турларини давлат мақсадли жамғармаларига мажбурий ажратмаларни тўлашдан озод қилинади, бюджетдан ташқари Пенсия жамғармаси бундан мустасно;

Вазирлар Маҳкамаси томонидан тасдиқланадиган рўйхатлар бўйича Ўзбекистон Республикаси ҳудудига олиб кириладиган қурилиш техникаси ва кичик механизациялаш воситалари учун божхона тўловлари тўлашдан (божхона расмийлаштируви йиғимлари бундан мустасно) озод қилинади.

4. Пудрат ташкилотлари томонидан ушбу Низомнинг 3-бандида кўрсатилган солиқ имтиёзлари фақат «Қишлоқ қурилиш инвест» инжиниринг компанияси билан тузилган шартномалар бўйича фойдаланишга тайёр ҳолда топшириш шартлари асосида якка тартибда уй-жой қуриш доирасида амалга ошириладиган ишлар ҳажмлари бўйича қўлланилади.

5. Пудрат ташкилотлари томонидан мазкур Низомнинг 3-бандида кўрсатилган божхона имтиёзлари фақат Ўзбекистон Республикаси Вазирлар Маҳкамаси томонидан тасдиқланадиган рўйхатлар бўйича Ўзбекистон Республикаси ҳудудига олиб кириладиган қурилиш техникаси ва кичик механизациялаш воситалари бўйича қўлланилади. Божхона имтиёзлари пудрат

ташкilotи «Қишлоқ қурилиш инвест» инжиниринг компанияси билан тузилган шартномалар бўйича якка тартибда уй-жой қуришни амалга оширишни тасдиқловчи мазкур Низомнинг иловасида келтирилган шаклда «Қишлоқ қурилиш инвест» ихтисослаштирилган инжиниринг компанияси томонидан бериладиган маълумотномага мувофиқ тақдим этилади. Маълумотнома товарларни эркин муомалага чиқариш режимига ўтказиш божхона расмийлаштируви вақтида тақдим этилади.

6. Бўшаётган маблағларни мақсадли ишлатишни назарда тутмайдиган солиқлар ва божхона имтиёзларини бухгалтерия ҳисобида акс эттириш Юридик шахсларга солиқлар, божхона ва мажбурий тўловларни бюджетга тўлаш бўйича берилган имтиёзларни расмийлаштириш ва бухгалтерлик ҳисобида акс эттириш тартиби тўғрисидаги низом (рўйхат рақами 1463, 2005 йил 2 апрель) (Ўзбекистон Республикаси қонун ҳужжатлари тўплами, 2005 й., 14-сон, 105-модда) билан тартибга солинади.

III. Якуний қоидалар

7. Солиқ ва божхона имтиёзларининг тўғри қўлланилиши устидан назорат давлат солиқ хизмати ва давлат божхона хизмати органлари томонидан амалга оширилади.

8. Мазкур Низом «Қишлоқ қурилиш инвест» ихтисослаштирилган инжиниринг компанияси билан келишилган.

*«Қишлоқ қурилиш инвест»
бош директори*

К. ХОШИМБЕКОВ

2010 йил 18 июль

«Қишлоқ қурилиш инвест»
 ихтисослаштирилган инжиниринг компанияси
 ва «Қишлоқ қурилиш инвест» инжиниринг
 компанияси билан тузилган шартномалар
 бўйича фойдаланишга тайёр ҳолда топшириш
 шартлари билан якка тартибда уй-жой қуриш
 доирасида улар томонидан амалга оширила-
 диган ишлар ҳажмлари бўйича пудрат
 ташкилотлари томонидан имтиёзларни
 қўллаш тартиби тўғрисидаги низомга
 ИЛОВА

Тақдим этилади _____
 (божхона расмийлаштируви жойи бўйича ҳудудий божхона органи)

МАЪЛУМОТНОМА

Берилди _____

Юридик шахснинг тўлиқ номи _____

Юридик манзили _____

СТИР _____

Ушбу пудрат ташкилоти «Қишлоқ қурилиш инвест» инжиниринг ком-
 панияси билан 20__ йил «__» _____ -сон тузилган шарт-
 номаси бўйича фойдаланишга тайёр ҳолда топшириш шартлари билан якка
 тартибда уй-жой қуриш доирасида ишлар ҳажмларини амалга оширишини
 тасдиқлайди.

Раҳбар

_____/_____/

М.Ў.